

四庫全書

集部

欽定四庫全書

唐詩品彙卷五十七

明 高棅 編

五言律詩二

正始

下之一

陳子昂

方虛谷云不但感遇為古調
之祖其律詩亦近體之祖也

晚次樂鄉縣

故鄉杳無際日暮且孤征
川原迷舊國道路入邊城
野戍荒烟斷深山古木平
如何此時恨噉噉夜猿鳴

春日登九華觀

白玉仙臺古丹丘別望遙
山川亂雲日樓榭入烟霄
鶴舞千年樹虹飛百尺橋
還逢赤松子天路坐相邀

暉上人獨坐亭

鐘梵經行處香牀坐入禪
巖亭交雜樹石瀨瀉鳴泉水
月心方寂雲霞思獨玄
寧知人代裏疲病得攀緣

度荆門望楚

遙遙去巫峽望望下章臺巴國山川盡荆門烟霧開城
分蒼野外樹斷白雲隈今日狂歌客誰知入楚來

春夜別友人

銀燭吐青烟金樽對綺筵離堂思琴瑟別路繞山川明
月隱高樹長河沒曉天悠悠洛陽去此會在何年

送魏大從軍

匈奴猶未滅魏絳復從戎悵別三河道言追六郡雄鴈

山橫代北孤塞接雲中勿使燕然上唯留漢將功

方虛谷云

盛唐律詩務渾雄
末句勉勵之辭也

送崔著作融東征

金天方肅殺白露始專征王師非樂戰之子慎佳兵海
氣侵南部邊風掃北平莫賣盧龍塞歸邀麟閣名

送東萊王學士無競

寶劍千金買平生未許人懷君萬里別持贈結交親孤
松宜晚歲衆木愛芳春已矣將何道無令白髮新

杜審言

蓬萊三殿侍宴奉勅詠終南山

北斗掛城邊南山倚殿前雲標金闕迥樹杪玉堂縣半
嶺通佳氣中峯繞瑞烟小臣持獻壽長此戴堯天

宿羽亭侍宴應制

步輦千門出離宮二月開風光新柳報燕賞落花催碧
水搖空閣青山遠吹臺聖情留晚興歌管送餘杯

和韋承慶過義陽公主山池三首

逕轉孤峯逼橋危缺岸妨玉泉移酒味石髓換粳香綰
霧青絲弱牽風紫蔓長猶言宴樂少別向後池塘

野興城中發朝英物外求情懸朱紱望契動赤泉遊海

燕巢書閣山雞舞畫樓雨餘清夏晚共坐此

集作巖幽北

攢石當軒倚懸泉渡牖飛鹿麕衝妓席鶴子曳童衣園

菓嘗難遍池蓮摘未稀捲簾唯

集作先

待月應在醉中歸

秋夜宴臨津鄭明府宅

行止皆無地招尋獨有君酒中堪累月身外即浮雲霜

白宵鍾徹風清曉漏聞坐攜餘興往還似未離羣

夏日過鄭七山齋

共有尊中好言尋谷口來薜蘿山逕入荷芰水亭開日
氣含殘雨雲陰送晚雷洛陽鍾鼓至車馬繫遲迴

和晉陵陸丞早春遊望

獨有宦遊人偏驚物候新

劉須溪云起得悵恨

雲霞出海曙梅柳

渡江春

劉云兩句復自浩然

淑氣催黃鳥晴光轉綠蘋忽聞歌古

調歸思欲沾巾

登襄陽城

旅客三秋至層城四望開
楚山橫地出漢水接天回
冠蓋非新里章華即舊臺
習池風景異歸路滿塵埃

都尉山亭

紫藤紫葛藟綠刺胃薔薇
下釣看魚躍探巢畏鳥飛
葉疎荷已晚枝亞果新肥
勝迹都無限只應伴月歸

春日懷歸

心是傷歸望春歸異往年
河山鑒魏闕桑梓憶秦川
花

雜芳園鳥風和綠野烟更懷歡賞地車馬洛橋邊

和康五望月有懷

明月高秋迫愁人獨夜看暫將弓並曲翻與扇俱團霧
濯清輝苦風飄素影寒羅衣一此鑒頓使別離難

望春亭侍燕遊應詔

帝出明光殿天臨太液池堯樽隨步輦舜樂繞行麾萬
壽禎祥獻三春景物滋小臣同酌海歌頌答無為

送崔融

君王行出將書記遠從征祖帳連河闕軍麾動洛城旌
旂朝朔氣笳吹夜邊聲坐覺烟塵掃秋風古北平

賦得妾薄命

草綠長門掩苔青永巷幽寵移新愛奪淚落故情留啼
鳥驚長夢飛花攪獨愁自憐春色罷團扇復迎秋

沈佺期

銅雀臺

昔年分鼎地今日望陵臺一旦雄圖盡千秋遺令開綺

羅君不見歌舞妾空來
恩共漳河水東流無重回

長門怨

月皎風泠泠長門次掖庭
玉階聞墜葉羅幌見飛螢
清露凝珠綴流塵下翠屏
妾心君未察愁嘆劇繁星

巫山高

巫山高不極合沓狀奇新
暗谷疑風雨陰崖若鬼神
月明三峽曉潮滿九江春
為問陽臺客應知入夢人

被試出塞

十年通大漠萬里出長平寒日生戈劍陰雲拂旆旆饑
烏啼舊壘疲馬戀空城辛苦臯蘭北胡塵損漢兵

幸白鹿觀應制

紫鳳真人劫班龍太上家天流芝蓋下山轉桂旗斜聖
藻垂寒露仙杯落晚霞唯應問王母桃作幾時花

九日侍宴應制

得長字

御氣幸金方憑高薦羽觴魏文頒菊蕊漢武賜萸房去
鶴留笙吹歸鴻識舞行臣驩重九慶日月奉天長

樂城白鶴寺

碧海開龍藏青雲起鴈堂
潮聲迎法鼓雨氣濕天香
樹接前山暗溪承瀑水涼
無言謫居遠清靜得空王

遊少林寺

長歌遊寶地徙倚對珠林
鴈塔風霜古龍池歲月深
紺園澄夕霽碧殿下秋陰
歸路烟霞晚山蟬處處吟

嶽館

洞壑仙人館孤峯王女臺
空濛朝氣合窈窕夕陽開
流

澗含輕雨虛巖應薄雷正逢鸞與鶴歌舞出天來

早發平昌島

解纜春風後鳴榔曉漲前陽鳥出海樹雲鴈下江烟積
氣衝長島浮光溢大川不能懷魏闕心賞獨泠然

夜宿七盤嶺

獨遊千里外高卧七盤西山月臨窻近天河入戶低芳
春平仲綠清夜子規啼浮客空留聽褒城聞曙雞

嶺表寒食

嶺外逢寒食春來不見錫洛中新甲子何日是清明花

柳爭朝發軒車滿路迎帝鄉遙可念腸斷報親情

春來不見

錫出毛詩鄭箋說吹簫處云即今貴錫人家物雲卿時謫驩州不作寒食故有此詩感慨悲痛

三日禁園侍宴

初學記作梨園亭侍宴

九重馳道出三已禊堂開畫鷁中川動青龍上苑來野
花飄御座河柳拂天杯日晚迎祥處笙鏞下帝臺

仙萼亭初成侍宴應制

山中氣色和宸賞第中過輦路披仙掌帷宮拂帝蘿泉

臨香澗落峯入翠雲多無異登玄圃東南望白河

隴頭水

隴山飛落葉隴鴈度寒天愁見三秋水分為兩地泉西
流入羌郡東下向秦川征客重回首肝腸空自憐

關山月

漢月生遼海朧朧出半暉合昏玄菟郡中夜白登圍暈
落關山迴光含霜霰微將軍聽曉角戰馬欲南歸

折楊柳

王憲朝日映羅帳春風吹拭淚攀楊柳長條踈地垂白
花飛歷亂黃鳥思參差妾自肝腸斷傍人那得知

紫騮馬

青王紫騮鞍驕多影屢盤荷君能剪拂躑躅噴桑乾
足追奔易長鳴遇賞難擬金一萬里霜露不辭寒

宋之問

僧皎然云沈宋為有唐律詩之龜鑑也情多興
遠語麗為多真射鵰手假使曹劉降格而為之
孰勝也
吾未知其

夏日仙萼亭應制

高嶺逼星河乘輿此日過
野含時雨潤山雜夏雲多
睿藻光巖穴宸襟洽薜蘿
悠然小天下歸路滿笙歌

春日芙蓉園侍宴應制

芙蓉秦地沼盧橘漢家園
谷轉斜盤徑川迴曲抱源
風來花自舞春入鳥能言
侍宴瑤池夕歸途騎吹繁

扈從登封途中作

帳殿鬱崔嵬仙遊實壯哉
曉雲連幕捲夜火雜星回
谷

暗千旗出山鳴萬乘來扈從良可賦終乏揆天才

扈從登封告成頌

複道開行殿鉤陳列禁兵和風吹鼓角佳氣動旗旌後
騎迴天苑前山入御營萬方俱下拜相與樂昇平

松山頌

翼翼高旌轉鏘鏘鳳輦飛塵銷清蹕路雲濕從臣衣白
羽搖丹壑天營逼翠微芳聲耀今古四海警宸威

麟趾殿侍宴應制

北闕層城峻西宮複道懸乘輿歷萬戶置酒望山川
花柳含丹日山河入綺筵欲知陪賞處空外有飛烟

上陽宮侍宴應制

得林字

廣樂張前殿重裘感聖心砌蕙霜月盡庭樹雪雲深舊
渥驂宸御慈恩忝翰林微臣一何幸再得聽瑤琴

登禪定寺閣

梵宇出三天登臨望八川開襟坐霄漢揮手拂雲烟函
谷青山外昆明落日邊東京楊柳陌少別已經年

泛鏡湖南溪

乘興入幽棲舟行日向低巖花候冬發谷鳥作春啼
峩嶸開天小叢篁夾路迷猶聞可憐處更在若耶溪

題大庾嶺北驛

陽月南飛鴈傳聞至此迴我行殊未已何日復歸來
江靜潮初落林昏瘴不開明朝望鄉處應見隴頭梅

陸渾山莊

歸來物外情負杖閱巖耕源水看花入幽林採藥行野

人相問姓山鳥自呼名去去獨吾樂無能愧此生

途中寒食

馬上逢寒食愁中屬暮春可憐江浦望不見洛陽人北
極懷明主南溟作逐臣故園腸斷處日夜柳條新

春日山家

今日遊何處春泉洗藥歸悠然紫芝曲畫掩白雲扉魚
樂偏尋藻人間屢采薇丘中無俗事身世兩相違

九月九日登慈恩寺浮圖應制

鳳刹侵雲半虹旌倚日邊散花多寶塔張樂布金田時
菊芳仙醞秋蘭動睿篇香街稍欲晚清蹕扈歸天

奉和聖制閏九月九日登莊嚴總持二寺閣

閏月再重陽仙輿歷寶坊帝歌雲稍白御酒菊猶黃風
鐸喧行漏天花拂舞行豫遊多景福梵宇日生光

奉和梁王宴龍泓應教

得微字

水府淪幽壑星軺下紫微鳥驚司僕馭花落侍臣衣芳
樹搖春晚晴雲繞座飛淮王正留客不醉莫言歸

奉和聖製立春剪綵花應制

金閣粧仙杏瓊筵弄綺梅人間都未識天上忽先開蝶
繞香絲住蜂憐彩艷迴今年春色早應為剪刀催

春日宴宋主簿山亭

得寒字

公子正邀歡林亭春未闌攀巖踐苔易迷路出花難窻
覆垂楊暖階侵瀑水寒帝城歸路直留興接鵝鸞

緱山廟

王子賓仙去飄飄笙鶴飛徒聞滄海變不見白雲歸天

路何其遠人間此會稀空歌日云暮霜月漸微微

奉和九日侍宴應制

得歡字

令節三秋晚重陽九日歡仙盃還泛菊寶饌且調蘭御
氣雲霄近乘高宇宙寬今朝萬壽別宜向曲中彈

奉和九日登慈恩寺浮圖應制

瑞塔千尋起仙輿九日來萸房陳寶席菊蕊散花臺御
氣鵬霄近升高鳳野開天歌將梵樂空裏共徘徊

送沙門弘景道俊玄奘還荊州應制

三乘歸淨域萬騎餞通莊就日離亭近彌天別路長荆
南旋杖鉢渭北限津梁何日紆真果還來入帝鄉

春日芙蓉園侍宴應制

年光竹裏遍春色杏間遙烟氣籠青閣流文蕩畫橋飛
花隨蝶舞艷曲伴鶯嬌今日陪歡豫還疑陟紫霄

詠笛

羌笛寫龍聲長吟入夜清關山孤月下來向隴頭鳴逐
吹梅花落含春柳色驚行觀向子賦坐憶舊隣情

詠鐘

既接南鄰磬還隨北里笙
平陵通曙響長樂警宵聲
秋至含霜動春歸應律鳴
豈惟恒待扣金簾有餘清

唐詩品彙卷五十七

欽定四庫全書

唐詩品彙卷五十八

明 高棅 編

五言律詩三

正始 下之二

李嶠

史稱嶠富於才思有所屬綴人多傳諷前與王
楊接踵中與崔蘇齊名晚諸人沒而為文章宿
老學者
法焉

侍宴甘露殿

天寶三載尚班章編國秀集以此篇為第一

月宇臨丹地雲窓網碧紗
御筵陳桂醕天酒酌榴花
水向浮橋直城連禁苑斜
承恩恣歡賞歸路滿烟霞

長寧公主東莊侍宴

別業臨青甸鳴鑾降紫霄
長筵鵷鷺集仙管鳳凰調
樹接南山近烟含北渚遙
承恩咸已醉戀賞未還鑣

奉和春日遊苑喜雨應制

仙蹕九成臺香筵萬壽杯
一旬初降雨二月早聞雷
葉

向朝濟密花含宿潤開幸承天澤豫無使日光催

奉和七夕兩儀殿會宴應制

靈匹三秋會仙期七夕過槎來人泛海橋渡鵲填河帝
縷升銀閣天機罷玉梭誰言七襄詠重入五絃歌

詠海

習坎䷜丹壑朝宗合紫微三山巨鼇湧萬里大鵬飛樓
寫青山色珠含明月輝會因添霧露方逐衆川歸

詠城

四塞稱天府三河建洛都飛雲靄層闕白日麗南隅獨
下仙人鳳羣驚御史烏何辭一萬里邊徼捍匈奴

詠雪

瑞雪驚千里從風下九霄地疑明月夜山似白雲朝
逐舞花光動臨歌扇影飄大周天闕路今日海神朝

蘇頌

出塞

一作邊
秋薄暮

海外秋鷹擊霜前旅鴈歸邊風思鞞鼓落日慘旌麾浦

暗漁舟入川長獵騎稀客悲逢薄暮況乃事戎機

春日芙蓉園侍宴應制

御道虹旗出芳園翠輦遊繞花開水殿架竹起山樓荷
芰輕薰幄魚龍出負舟寧如穆天子空賦白雲秋

奉和登驪山高頂應制

仙蹕御層氛高高積翠分巖聲中谷應天語半空聞豐
樹連黃葉函關入紫雲聖圖恢寓縣歌賦少橫汾

奉和人日清暉閣燕羣臣遇雪應制

樓觀空烟裏
初年瑞雪過
苑花齊玉樹
池水作銀河
七日祥圖啓
千春御賞多
輕飛傳綵勝
天上奉薰歌

奉和七夕燕兩儀殿應制

靈媛乘秋發
仙裝警夜催
月光窺欲渡
河色辨應來
機石天文寫
針樓御賞開
竊觀棲鳥至
疑向鵲橋迴

奉和聖製九日侍宴應制

得時字

并數登高日
延齡命賞時
宸遊天上轉
秋物雨來滋
降鶴承仙馭
吹花入睿詞
微臣復何幸
長得奉恩私

扈從溫泉奉和姚令公喜雪

清道豐人望，乘時漢主遊。
恩輝隨霰下，慶澤與雲浮。
泉煖驚銀磧，花寒映玉樓。
鼎臣今有問，河伯且應留。

奉和魏僕射秋日還鄉有懷之作

南宮夙拜罷，東道晝遊初。
飲餞傾冠蓋，傳呼問里閭。
樹悲懸劍所，溪想釣璫餘。
明發輝光至，喧聞駟馬車。

曉發方騫驛

傳置遠山蹊，龍鍾蹴澗泥。
片陰時作雨，微照已生霓。
鬢

髮愁氛換心情險路迷方知向蜀老偏識子規啼

張說

嵩山襄荷亭侍宴應制

回鑾青岳觀帳殿紫烟峯仙路迎三鳥雲衢駐兩龍園
林看故塔壇墀識餘封山外傳簫管還知天上逢

恩勅麗正殿書院賜宴應制

得林字

東壁圖書府西園翰墨林誦詩聞國政講易見天心位
竊和羹重恩叨醉酒深載歌春興曲情竭為知音

春日登驪山矚眺

寒山上半空臨眺畫圖中是日巡遊處晴光遠近同川
明分渭水樹暗辨新豐巖壑清音暮天歌起大風

奉和聖製過大哥山池

進酒忘憂觀簫韶喜降臨帝堯敦族禮王季友兄心竹
苑龍鳴笛梧宮鳳繞林大風將小雅一字重千金

奉和送金城公主入西蕃應制

青海和親日潢星出降時戎王子婿禮漢國舅家慈春

野開離宴雲天起別詞空彈馬上曲詎減鳳樓思

晦日承恩宴永穆公主亭子

得流字

堂邑山林美朝恩晦日遊園林含淑氣竹樹繞春流舞
席千花妓歌船五彩樓羣歡與王澤歲歲滿皇州

奉和溫泉言志應制

溫谷媚新豐驪山橫半空湯池薰水殿翠木煖烟宮起
疾逾仙藥無私合聖功始知堯舜德心與萬人同

岳川燕別潭州王熊

縉雲通省閣溝水遽西東然諾心猶在容華歲不同孤
城臨楚塞遠樹入秦宮誰念三千里江潭一老翁

湘州九日城北亭子

西楚茱萸節淮南戲馬臺寧知沅水上復有菊花亭
帳憑高出親朋自遠來短歌將急景同使興情催

深渡驛

旅宿青山夜荒庭白露秋洞房懸月影高枕聽江流猿
響寒巖樹螢飛古驛樓他鄉對搖落併覺起離憂

還至端州驛前與高六別處

舊館分江口，淒然望落暉。
相逢傳旅食，臨別換征衣。
昔記山川是，今傷人代非。
往來皆此路，生死不同歸。

盧巴驛聞張御史張判官欲到不得待留贈之
旅竄南方遠，傳聞北使來。
舊庭知玉樹，同浦識珠胎。
白髮因愁變，丹心託夢迴。
皇恩若可再，為憶不然灰。

廣州蕭都督入朝過岳州宴餞

得冬字

孤城抱大江，節使往朝宗。
果是臺中舊，依然水上逢。
京

華遙比日疲老颯如冬竊羨能言鳥銜恩向九重

幽州夜飲

涼風吹夜雨蕭瑟動寒林正有高堂宴能忘遲暮心軍
中宜劍舞塞上重笳音不作邊城將誰知恩遇深

鳳閣尋勝地

西掖持醇酒東山就白雲開軒綠池映命席紫蘭芬舞
席花為伴鶯來管作羣太平多樂事春物共氛氲

崔禮部園亭

得深
字

窈窕留清館虛徐步晚陰水連伊闕近雲接夏陽深柳
蔓憐垂拂藤花愛上尋訝君軒蓋偶非復俗人心

張九齡

奉和聖製途次陝州作

馳道當河陝陳詩問國風川原三晉別襟帶兩京同後
殿函關盡前旌闕塞通行省洛陽陌光景麗天中

奉和聖製初出洛城

樂土淹龍駕西人望翠華山川祇詢物宮觀豈為家十

月回星斗千官捧日車洛陽無怨思巡幸更非賒

奉和聖製次瓊岳韻

山祇亦望幸雲雨見靈心岳館逢朝霽關門解宿陰咸
京天上近清渭日邊臨我武因冬狩何言是即禽

奉和姚令公從幸溫湯喜雪

萬乘飛黃馬千金狐白裘正逢銀霰積如向玉京遊瑞
色鋪馳道花文拂綵旒還聞吉甫頌不共郢歌儔

三月三日申王園亭宴集

稽亭追往事
睢苑勝前聞
飛閣凌芳樹
華池落彩雲
藉草人留酌
銜花鳥赴羣
向來同賞處
惟恨碧林曛

與王六履道廣州津亭晚望

明發臨前浦
寒來淨遠空
水紋天上碧
日氣海邊紅
景物紛為異
人情賴此同
乘槎自有適
非欲破長風

湖口望廬山瀑布水

萬丈紅泉落
迢迢半紫氛
奔流下雜樹
灑落出重雲
日照虹霓似
天清風雨聞
靈山多秀色
空水共氤氲

望月懷遠

海上生明月天涯共此時
情人怨遙夜竟夕起相思
滅燭憐光滿披衣覺露滋
不堪盈手贈還寢夢佳期

初秋憶金均兩弟

江渚秋風至他鄉離別心
孤雲愁自遠一葉感何深
憂喜嘗同域飛鳴或異林
青山西北望堪作白頭吟

自豫章南還江上作

歸去南江水磷磷見底清
轉逢空濶處聊洗滯留情
浦

樹遙如待江鷗近若迎津途別有趣況乃濯吾纓

旅宿淮陽亭口號

日暮荒亭上悠悠旅思多故鄉臨桂水今夜眇星河暗
草霜華發空亭鴈影過興來誰與晤勞者自為歌

耒陽溪夜行

乘夕棹歸舟緣源路轉幽月明看嶺樹風靜聽溪流嵐
氣船間入霜華衣上浮猿聲雖此夜不是別家愁

送廣州周判官

海郡雄蠻落津亭壯越臺城隅百雉映水曲萬家開里
樹枕椰出時禽翡翠來觀風猶未盡早晚使車迴

送韋城李少府

送子南昌尉離亭西候春野花看欲盡林鳥聽猶新別
酒青門路歸軒白馬津相知無遠近萬里尚為隣

餞陳學士還江南

同用
徵字

荷篠旋江隩銜杯餞灞陵別前林鳥息歸處海烟凝風
土鄉情接雲山客念憑聖朝巖穴選應待鶴書徵

唐詩品彙卷五十八

欽定四庫全書

唐詩品彙卷五十九

明 高棟 編

五言律詩四

正始

下之三

薛稷

春日登樓野望

憑軒聊一望春色幾芳菲
野外烟初合樓前花正飛
嬌

鶯啼新響斜日散餘暉誰忍孤遊客言念獨依依

李適

奉和聖製九日侍宴應制

得高字

禁苑秋光入宸遊霽色高
黃房頒綵笥菊蕊薦香醪
後騎紫堤柳前旌拂御桃
王枚俱得從淺淺愧飛毫

陪幸臨渭亭賞雪

長樂喜春歸拂香愛雪霏
花從銀閣度絮繞玉窓飛
寫曜銜天藻呈祥拂御衣
上林紛可望無處不光輝

趙彥昭

奉和人日清輝閣宴羣臣遇雪應制

出震乘東陸憑高御北辰祥雲應早歲瑞雪候初旬宮
樹千花發階蓂七葉新幸承今日宴長奉萬年春

奉和七夕兩儀殿會宴應制

青女三秋節黃姑七日期星橋度玉珮雲閣掩羅帷河
氣通仙掖天文入睿詞今宵望靈漢應得見蛾眉

安樂公主新宅

雲物中京曉天人外館開飛橋像河漢懸榜學蓬萊北
闕臨仙檻南山送壽杯一窺輪奐畢慙慙棟梁材

送金城公主和親

英華作崔日用詩

聖后經綸遠謀臣計畫多受降追漢策築館許戎和俗
化烏孫壘春生積石河六龍今出餞雙鶴願為歌

李义

奉和登驪山頂寓目應制

崖巘萬尋懸居高敞御筵行戈疑駐日步輦若升天城

闕霧中近關河雲外連繆陪登岱駕忻奉濟汾篇

幸白鹿觀應制

制蹕乘驪阜回輿指鳳京南山四皓謁西嶽兩童迎雲
幄臨玄圃霞杯薦赤城神明近茲地何事往蓬瀛

春日芙蓉園侍宴應制

水殿臨丹籞山樓繞翠微昔遊人託乘今幸帝垂衣澗
篠緣峯合巖花逗浦飛朝回江曲地無處不光輝

奉和七夕宴兩儀殿應制

桂宮明月夜蘭殿起秋風雲漢彌年阻星筵此夕同
倏來疑有處旋去已成空睿作鈞天響魂飛在夢中

奉和九日侍宴應制

得濃字

望幸紆千乘登高自九重臺疑臨戲馬殿似接疏龍捧
篋萸香徧稱觴菊氣濃更看仙鶴舞來此慶時雍

送沙門弘景道俊玄奘還荊州應制

初日承歸旨秋風起贈言漢珠留道味江璧返真源地
出南關遠天迴北斗尊寧知一柱觀却起四禪門

劉憲

奉和送金城公主入西蕃應制

外館踰河右行營指路岐和親悲遠嫁忍淚泣將離旌
旆羌風引軒車漢月隨那堪馬上曲時向管中吹

奉和九月九日聖製登慈恩寺浮圖應制

飛塔雲霄半清辰羽旆遊登臨憑季月寥廓見中州御
酒新寒退天文瑞景留辟邪將獻壽茲日奉千秋

馬懷素

奉和前聖製

季月重陽啓金輿陟寶坊御旗橫日道仙塔儼雲莊帝
蹕千官從乾詞七曜光顧慚文墨識無以頌時康

李迥秀

奉和前聖製

沙界人王塔金繩梵帝遊言從祇樹賞行玩菊叢秋御
酒調甘露天花拂綵旒堯年持佛日同此慶時休

樊忱

奉和前聖製

淨境重陽節仙遊萬乘來
挿萸登鷺嶺把菊坐螭臺
十地祥雲合三天瑞景開
秋風詞更遠竊抃樂康哉

楊庶

奉和前聖製

萬乘臨真境重陽眺遠空
慈雲浮鴈塔定水映龍宮
寶驛含飈響仙輪帶日紅
天文將瑞色輝煥滿寰中

李恒

奉和前聖製

寶地臨丹掖香臺瞰碧雲關河天外出城闕樹中分
露藻蘭英秀仙杯菊蕊薰願將今日樂長奉聖明君

王景

奉和前聖製

玉輦移中禁珠梯覽四禪重階清漢接飛竇紫霄懸
綴葉披天藻吹花飲御筵無因鑾蹕暇俱舞鶴林前

宗楚客

奉和人日清暉樓宴羣臣遇雪應制

窈窕神仙閣參差雲漢間
九重中禁啓七日早春還
太液天爲水蓬萊雪作山
今朝上林樹無處不堪攀

崔湜

班婕妤怨

不忿君恩斷新粧視鏡中
容華尚春日嬌愛已秋風
枕席臨窻曉屏帷向月空
年年後庭樹榮落在深宮

折楊柳

二月風光半三邊戍不還年華妾自惜楊柳為君攀落
絮紫衫袖垂條拂髻鬟那堪音信斷流涕望陽關

幸白鹿觀應制

御旗探紫籙仙仗闌丹丘捧藥芝童下焚香桂女留鸞
歌無歲月鶴語記春秋臣朔真何幸常陪漢武遊

江樓夕望

試陟江樓望悠悠去國情楚山霞外斷漢水月中平公
子留遺邑夫人有舊城蒼蒼烟霧裏何處是咸京

江樓有懷

子牟懷魏闕元凱滯襄城冠蓋仍為里池臺尚識名山
光晴後綠江色晚來清為問東流水何時到玉京

寄天台司馬先生

聞有三元客祈仙九轉成人間白雲返天上赤龍迎尚
惜金芝晚仍攀琪樹榮何年緱嶺上一謝洛陽城

邊愁

九月蓬根斷三邊草葉腓風塵馬變色霜雪劍生衣客

思秋陰晚邊書驛騎歸殷勤鳳樓上還袂及春暉

唐都尉山池

曲渚颺輕舟前溪釣晚流鴈翻蒲葉起魚撥荇花遊金
子懸湘抽珠房折海榴幽尋惜未已清月半西樓

鄭愔

折楊柳

青柳映紅顏黃雲蔽紫關傳聞邊信出枝葉為君攀舞
態愁將斷春心望不還風花亂成雪羅綺淚斑斑

魏知古

玄元觀尋李先生不遇

羽客今何在空尋伊洛間
忽聞歸苦縣復想入函關
未作千年別猶應七日還
神仙不可見寂寞返蓬山

韋元旦

送金城公主和親

柔遠安夷俗和親重漢年
軍容旌節送國命錦車傳
琴曲悲千里簫聲應九天
唯應漢西月來就掌珠圓

胡皓

出峽

巴東三峽盡曠望九江開楚塞雲中出荆門水上來魚
龍潛嘯雨鳬鴈動成雷南國秋風晚客思幾悠哉

王翰

子夜春歌

春氣滿林香春遊不可忘落花吹欲盡垂柳折還長
桑女淮南曲金鞍塞北裝行行小垂手日暮渭川陽

崔翹

送友人使夷陵

猿鳴三峽裏行客舊霑裳
復道從茲去思君不暫忘
開襟春葉短分手夏條長
獨有幽庭桂年年空自芳

韋述

春日山莊

初歲開韶月田家喜載陽
晚晴搖水態遲景蕩山光
浦淨漁舟遠花飛樵路香
自然成野趣都使俗情忘

姚崇

故洛陽城侍宴

遊豫停仙蹕登臨對晚晴
川鳬連倒影巖鳥應虛聲
野奏風成曲山居雲作纓
今朝丘壑上高興小蓬瀛

春日洛陽城侍宴

南山開寶厯北渚對芳溪
的厯風梅度參差露草低
堯樽臨上席舜樂下前溪
任重由來醉乘酣志轉迷

夜渡江

一作柳
仲庸詩

夜渚帶浮烟蒼茫晦遠天舟輕不覺動纜急始知牽聽
草遙尋岸聞香暗識蓮唯看孤帆影常恐客心懸

秋夜望月

明月有餘鑒羈人殊未安桂含秋樹晚影入夜池寒灼
灼雲枝淨光光草露團所思迷所在長望獨長嘆

韋濟

奉和次瓊岳應制

陸海披晴雪千旗獵早陽岳臨秦路險河遶漢垣長行

漏通鳩鵲離宮接建章都門信宿近歌舞從周王

李林甫

奉和次瓊岳應制

東幸從人望西巡順物廻雲收二華出天轉五星來十
月農初罷三驅禮復開更看瓊岳上佳氣接神臺

賀知章

送人之軍中

常經絕脉塞復見斷腸流送子成今別令人起昔愁隴

雲晴半雨邊草夏先秋萬里長城寄無貽漢國憂

孫逖

奉和四月上陽水憲賜宴應制

今日逢新夏歡遊續舊旬氣和先作雨恩厚別成春鳳
管臨清洛龍輿下紫宸此中歌在藻還見躍潛鱗

奉和聖製登鴛鴦樓即目

玉輦下離宮瓊樓上半空方巡五年狩更辟四門聰井
邑觀秦野山河念禹功停鑾留睿作軒檻起南風

宴越府陳法曹西亭

公府西巖下紅亭間白雲雪梅初度臘烟竹稍迎曛水
木涵澄景簾攏引霽氛江南歸思逼春鴈不堪聞

送李給事歸徐州覲省

位列登青鎖還鄉復綵衣共言晨省日便是晝遊歸春
水經梁宋晴山入海沂莫愁東路遠四牡正駢駢

宿雲門寺閣

香閣東山下烟花象外幽懸燈千嶂夕卷幔五湖秋畫

壁餘鴻鴈紗窓宿斗牛更疑天路近夢與白雲遊

尋龍湍

仙穴尋遺迹輕舟愛水鄉溪流一曲盡山路九峯長
漁父歌金洞江妃舞綵房遙憐葛仙宅真氣共微茫

同邢判官尋龍湍觀歸湖中

星使下天京雲湖喜晝晴更從深穴處還作棹歌行
絲管荷風入簾帷竹氣清莫愁歸路遠水月夜虛明

楊子江樓

楊子何年邑雄圖作楚關江連二妃渚雲起八公山驛
道青楓外人烟綠嶼間晚來潮正滿數處落帆還

和韋尚書春日南亭宴兄弟

臺閣升高位園林隔舊鄉忽聞歌棣萼還比報瓊芳門
向宜春近郊連御宿長德星常有會相望在文昌

送靳十五侍御使蜀

天使出霜臺行人擇吏才傳車春色送離興夕陽催驛
遶巴江轉關迎劍道開西南一何幸前後二龍來

奉和進船泛洛水應制

一作薛
翫詩

禁園紆睿覽仙棹叶時遊
洛北風花樹江南綵畫舟
芳生蘭蕙草春入鳳凰樓
興盡離宮暮烟花起夕流

玄宗皇帝

過大哥宅

探得
歌字

魯衛情先重親賢愛轉多
冕旒豐暇日乘景暫經過
戚里申高宴平臺奏雅歌
復尋為善樂方驗保山河

同王真公主過大哥山池

地有招賢處人傳樂善名
鷺池尋九達龍岫對層城
桂月先秋冷蘋風向晚清
鳳樓遙可見彷彿玉簫聲

經魯祭孔子而歎之

夫子何為者栖栖一代中
地猶鄆氏邑宅即魯王宮
嘆鳳嗟身否傷麟怨道窮
今看兩楹莫當與夢時同

幸蜀西至劍門

劍閣橫雲峻鑿輿出狩回
翠屏千仞合丹嶂五丁開
灌木縈旗轉仙雲拂馬來
乘時方在德嗟爾勒銘才

送賀知章

知章年八十六乞為道士還鄉帝許之捨宅為觀賜名千秋觀仍賜鑑湖

剡州一曲詔令供帳東門百僚祖餞御製賜詩

遺榮期入道辭老竟抽簪豈不惜賢達其如高尚心寰

中得秘要方外散幽襟獨有青門餞羣僚悵別深

朱子語錄

云越州有石刻唐朝臣送賀知章詩只有明皇一首好

唐詩品彙卷五十九

欽定四庫全書

唐詩品彙卷六十

明 高棟 編

五言律詩五

正宗 上

太白

宮中行樂詞六首

水綠南薰殿
花紅北闕樓
鶯歌聞太液
鳳吹遶瀛州
素

女鳴珠珮天人弄綵毬今朝風日好宜入未央遊

寒雪梅中盡春風柳上歸宮鶯嬌欲醉簷燕語還飛
遲日明歌席新花豔舞衣晚來移彩杖行樂泥光輝

繡戶香風暖紗窗曙色新宮花爭笑日池草暗生春
綠樹聞歌鳥青樓見舞人昭陽桃李月羅綺自相親

盧橘為秦樹蒲萄出漢宮烟花宜落日絲管醉春風
笛奏龍吟水簫鳴鳳下空君王多樂事還與萬方同

柳色黃金嫩梨花白雪香玉樓巢翡翠金殿鎖鴛鴦
選

妓隨雕輦徵歌出洞房
宮中誰第一飛燕在昭陽
小小生金屋盈盈在紫微
山花插寶髻石竹繡羅衣
每出深宮裏常隨步輦歸
只愁歌舞散化作綵雲飛

塞下曲三首

五月天山雪無花只有寒
笛中聞折柳春色未曾曉
戰隨金鼓宵眠抱玉鞍
願將腰下劍直為斬樓蘭
駿馬似風颭鳴鞭出渭橋
彎弓辭漢月揮羽破天驕
陣解星芒盡營空海霧消
功成畫麟閣獨有霍嫖姚

塞虜乘秋下天兵出漢家將軍分虎竹戰士卧龍沙邊
月隨弓影胡霜拂劍花玉關殊未入少婦莫長嗟

秋思

燕支黃葉落妾望自登臺海上碧雲斷單于秋色來胡
兵沙塞合漢使玉關回征客無歸日空悲蕙草摧

金陵二首

六代興亡國三杯為爾歌苑方秦地少山似洛陽多古
殿吳花草深宮晉綺羅併隨人事滅東逝與滄波

地擁金陵勢城迴江水流當時百萬戶夾道起朱樓亡
國生春草王宮沒古丘空餘後湖月波上對江州

溫泉侍從歸逢故人

漢帝長楊苑誇胡羽獵歸子雲叨侍從獻賦有光輝激
賞搖天筆承恩賜御衣逢君奏明主他日共翻飛

侍從遊宿溫泉宮作

羽林十二將羅列應星文霜仗懸秋月霓旌卷夜雲嚴
更千戶肅清樂九天聞日出瞻佳氣葱葱繞聖君

口號贈徵君盧鴻

公時被召

陶令辭彭澤梁鴻入會稽我尋高士傳君與古人齊雲

臥留丹壑天書降紫泥不知楊伯起早晚向關西

范云律詩

必頻守規矩試看此等五言何其嚴
哉今人虛實輕重且不審惡乎律

贈崔秋浦

吾愛崔秋浦宛然陶令風門前五楊柳井上二梧桐山

鳥下聽事簷花落酒中懷君未忍去惆悵意無窮

贈錢徵君少陽

白玉一杯酒綠楊三月時春風餘幾日兩鬢各成絲
秉燭唯須飲投竿也未遲如逢渭川獵猶可帝王師

贈孟浩然

吾愛孟夫子風流天下聞紅顏棄軒冕白首卧松雲
醉月頻中聖迷花不事君高山安可仰徒此挹清芬

寄淮南友人

紅顏悲舊國青歲歇芳洲不待金門詔空持寶劍遊
海雲迷驛道江月隱鄉樓復作淮南客因逢桂樹留

三山望金陵寄殷淑

三山懷謝朓水澹望長安
蕪沒河陽縣秋江正北看
盧龍霜氣冷鳩鵲月光寒
耿耿憶瓊樹天涯寄一歡

寄王漢陽

南湖秋月白王宰夜相邀
錦帳郎官醉羅衣舞女嬌
笛聲喧沔鄂歌曲上雲霄
別後空愁我相思一水遙

望漢陽柳色寄王宰

漢陽江上柳望客引東枝
樹樹花如雪紛紛亂若絲
春

風傳我意草木別前知寄謝絃歌宰西來定未遲

留別龔處士

龔子棲間地都無人世喧柳深陶令宅竹暗辟疆園
我去黃牛峽遙愁白帝猿贈君卷施草心斷竟何言

廣陵贈別

玉瓶沽美酒數里送君還繫馬垂楊下銜杯大道間
天邊看綠水海上見青山興罷各分袂何須別醉顏

別儲邕之剡中

借問剡中道東南指越鄉舟從廣陵去水入會稽長竹
色溪下綠荷花境裏香辭君向天姥拂石卧秋霜

江夏別宋之悌

楚水清若空遙將碧海通人分千里外興在一杯中谷
鳥迎晴日江猿嘯晚風平生不下淚於此泣無窮

渡荆門送別

渡遠荆門外來從楚國遊山隨平野盡江入大荒流月
下飛天鏡雲生結海樓仍憐故鄉水萬里送行舟

南陽送客

斗酒勿為薄寸心貴不忘坐惜故人去偏令遊子傷離
顏怨芳草春思結垂楊揮手再三別臨岐空斷腸

送白利從金吾董將軍西征

西羌延國討白起佐軍威劍決浮雲氣弓彎明月輝馬
行邊草綠旌卷曙霜飛抗手凜相顧寒風生鐵衣

送殷淑

白鷺洲前月天明送客迴青龍山後日早出海雲來流

水無情去征帆
逐吹開相看不忍別
更進手中盃

送友人

青山橫北郭
白水遶東城
此地一為別
孤蓬萬里征
浮雲遊子意
落日故人情
揮手自茲去
蕭蕭班馬鳴

送友人入蜀

見說蠶叢路
崎嶇不易行
山從人面起
雲傍馬頭生
芳樹籠秦棧
春流遶蜀城
升沉應已定
不必問君平

送麴十少府

試發清秋興因為吳會吟碧雲歛海色流水折江心我
有延陵劍君無陸賈金艱難此為別惆悵一何深

尋雍尊師隱居

羣峭碧摩天逍遙不記年撥雲尋古道倚樹聽流泉花
煖青牛卧松高白鶴眠語來江色暮獨自下寒烟

訪戴天山道士不遇

犬吠水聲中桃花帶雨濃樹深時見鹿溪午不聞鐘野
竹分青靄飛泉挂碧峯無人知所去愁倚兩三松

流夜郎至江夏陪長史叔及薛明府宴興德寺

南閣

紺殿橫江上青山落鏡中
岸迴沙不盡日映水成空
天樂流香閣蓮舟颺晚風
恭陪竹林宴留醉與陶公

與夏十二登岳陽樓

樓觀岳陽盡川迥洞庭開
鴈引愁心去山銜好月來
雲間連下榻天上接行盃
醉後涼風起吹人舞袖迴

劉須溪云

甚為不俗

過崔八丈水亭

高閣橫秀氣清幽併在君簷飛宛溪水窓落敬亭雲
援嘯風中斷漁歌月裏聞閒隨白鷗去沙上自為羣

秋登宣城謝朓北樓

江城如畫裏山曉望晴空兩水夾明鏡雙橋落彩虹
人烟寒橘柚秋色老梧桐誰念北樓上臨風懷謝公

謝公亭

蓋謝朓范
雲之所遊

謝公離別處風景每生愁客散青天月山空碧水流
池

花春映日窓竹夜鳴秋今古一相接長歌懷舊遊

太原早秋

歲落衆芳歇時當大火流
霜威出塞早雲色渡河秋
夢遶邊城月心飛故國樓
思歸若汾水無日不悠悠

觀獵

太守耀清威乘閒弄晚暉
江沙橫獵騎山火遶行圍
箭逐雲鴻落鷹隨月兔飛
不知白日暮歡賞夜方歸

觀胡人吹笛

胡人吹玉笛一半是秦聲十月吳山曉梅花落敬亭愁
聞出塞曲淚滿逐臣纓却望長安道空懷戀主情

宿巫山下

昨夜巫山下援聲夢裏長桃花飛綠水三月下瞿塘雨
色風吹去南行拂楚王高丘懷宋玉訪古一霑裳

嚴滄浪云

律詩有徹首尾不對者皆文從字順音韻
鏗鏘盛唐諸公有此體今觀此下一詩是

長信宮

月皎昭陽殿霜清長信宮天行乘玉輦飛燕與君同更

有歡娛處

一作別有
留情處

承恩樂未窮誰憐團扇妾獨坐怨

秋風

夜泊牛渚懷古

牛渚西江夜青天無片雲登舟望秋月空憶謝將軍
余亦能高詠斯人不可聞明朝挂帆去楓葉落紛紛

孟浩然

臨洞庭

八月湖水平

劉須溪
云便別

涵虛混太清氣蒸雲夢澤波撼岳

陽城

西清詩話云洞庭天下壯觀騷人墨客題者衆矣終未若此一語氣象

欲濟無舟楫

端居耻聖明坐觀垂釣者徒有羨魚情

劉云託興可傷又云起得渾渾

稱題而氣聚橫絕朴不可易端居感興深厚

與諸子登峴山

人事有代謝往來成古今江山留勝跡我輩復登臨水

落魚梁淺天寒夢澤深羊公碑尚在讀罷淚沾襟

劉云不必

苦思自然好苦思復不能及又云起得高古畧無粉色而情境俱稱悲慨勝於形容真峴山詩也復有能言亦

在下

晚春

二月湖水清家家春鳥鳴

劉云又別

林花掃更落徑草踏還

生酒伴來相命開樽共解醒當杯已入手歌妓莫停聲

劉云亦自歌宕
結語情屬不淺

題義公禪房

義公習禪寂結宇依空林戶外一峯秀堦前衆壑深夕陽連雨足空翠落庭陰看取蓮花淨方知不染心

題融公蘭若

精舍買金開流泉遠砌迴芰荷薰講席松栢映香臺
法雨晴飛去天花晝下來談玄殊未已歸騎夕陽催

宿立公房

支遁初求道深公笑買山如何石巖趣自入戶庭間

劉云

亦自在有味

苔澗春泉滿蘿軒夜月閒能令許玄度吟卧不

知還

遊景光寺

龍象經行處山腰度石關屢迷青嶂合時愛綠蘿閒

劉云

山行路盡乃
知此語有趣

宴息花林下高談竹嶼間
寥寥隔塵事疑

是入雞山

尋梅道士

彭澤先生柳山陰道士
驚我來從所好停策夏陰多重
以觀魚樂因之鼓枻歌崔徐迹
未朽千載揖清波

梅道士水亭

傲吏非凡吏名流即道流
隱居不可見高論莫能酬
水接仙源近山藏鬼谷幽
再來尋處所花下問漁舟

宴梅道士房

林卧愁春盡，寒帷覽物華。
忽逢青鳥使，邀入赤松家。
金竈初開火，仙桃正發花。
童顏若可駐，何惜醉流霞。

遊精思觀題山房

誤入桃源裏，初憐竹徑深。
方知仙子宅，未有世人尋。
舞鶴過閒砌，飛猿嘯密林。
漸通玄妙理，深得坐忘心。

浮舟過陳逸人別業

水亭涼氣多，閒棹晚來過。
澗影見藤竹，潭香聞芰荷。
野

童扶醉舞山鳥笑酣歌幽賞未云徧烟光奈夕何

尋天台山

吾愛太乙子食霞卧赤城欲尋華頂去不憚惡溪名
歇馬憑雲宿揚帆截海行高高翠微裏遙見石梁橫

武陵泛舟

武陵川路狹前棹入花林莫測幽源裏仙家信幾深水
迴青嶂合雲度綠溪陰坐聽閒猿嘯彌清塵外心

歸終南山

北闕休上書南山歸弊廬不才明主棄多病故人疎白

髮催年老青陽逼歲除永懷愁不寐松月夜窻虛

唐書云浩

然與王維善維稱其詩嘗私邀入內署俄而玄宗至浩然隨牀下維以實對帝喜曰朕聞其人而未見也詔浩然出帝問其詩浩然自誦不才明主棄之句帝曰卿不求仕朕未嘗棄卿耳奈何誣我因放還劉云其亦最得意之詩最失意之日故為明主誦之

尋張五迴夜園作

聞就龐公隱移居近洞湖興來林是竹歸卧谷名愚挂

席樵風便

劉云楚楚一字不妄

開軒琴月孤歲寒何用賞霜落故

園蕪

過故人莊

故人具鷄黍邀我至田家綠樹村邊合青山郭外斜開

軒面場圃把酒話桑麻待到重陽日還來就菊花

劉云每以

自在相
凌厲

裴司士見尋

府僚能枉駕家醞復新開落日池上酌清風松下來厨

人具鷄黍稚子摘楊梅誰道山翁醉猶能騎馬回

劉云大巧

拙若

宴榮山人池亭

甲第開金穴榮期樂自多
樞嘶支遁馬池養右軍鷺
竹引攜琴入花邀載酒過
山翁來取醉時唱接離歌

和李侍御渡松滋江

南紀西江濶皇華御史雄
截流寧假楫挂席自生風
察宋爭攀鵠魚龍亦避驄
劉云頌德語坐聽白雪唱翻入棹歌

中

秦中寄遠上人

一丘常欲卧三徑苦無資北土非吾願東林懷我師黃
金燃桂盡壯志逐年衰

劉云非不經思只是吐出

日夕涼風至聞蟬

但益悲

宿永嘉江寄崔少府

我行窮水國君使入京華相去日千里孤帆天一涯卧
聞海潮至起視江月斜

劉云不必思索皆有

借問同舟客何時到

永嘉

宿桐廬江寄廣陵舊遊

山暝聽猿愁滄江急夜流風鳴兩岸葉月照一孤舟

劉云

一孤似病
大趣自得

建德非吾土維揚憶舊遊還將兩行淚遙寄

海西頭

上巳洛中寄王九迥

卜洛成周地浮杯上巳筵關鷄寒食下走馬射堂前垂
柳金堤合平沙翠幙連不知王逸少何處會羣賢

同盧明府餞張郎中除義王府司馬海園作

上國山河裂賢王邸第開故人分職去潘令寵行來冠

蓋趨梁苑江湘失楚材豫愁軒騎動賓客散池臺

劉云又極

典刑末意更濃

送友東歸

士有不得志栖栖吳楚間

劉云起得雄

廣陵相遇罷彭蠡泛

舟還櫓出江中樹波連海上山風帆明日遠何處更追

攀

劉云慨然如嘆句好句句別

送袁十三尋弟

早聞牛渚詠今見鵲鶴心羽翼嗟零落悲鳴別故林蒼
梧白雲遠空水洞庭深萬里獨飛去南風遲爾音

送子容進士舉

夕曛山照滅送客出柴門惆悵野中別殷勤醉後言

劉云

寫得
濃盡

茂林余偃息喬木爾飛翻無使谷風誚須令友道

存

留別王維

寂寂竟何待朝朝空自歸欲尋芳草去惜與故人違

劉云

箇中人箇中語
看看便不同

當路誰相假知音世所稀祇應守寂寞

還掩故園扉

劉云未
意更悲

京還別新豐諸友

吾道昧所適驅車還向東主人開舊館留客醉新豐樹
遶溫泉綠塵遮晚日紅拂衣從此去高步躡華嵩

閒園懷蘇子

林園雖少事幽獨自多遲向夕開簾坐庭陰落葉微鳥
從烟樹宿螢傍水軒飛感念同懷子京華去不歸

劉云
一種

情
懽

早寒有懷

木落鴈南渡
北風江上寒
我家襄水曲
遙隔楚雲端
鄉淚客中盡
孤帆天際看
迷津欲有問
平海夕漫漫

途次望鄉

客行愁落日
鄉思重相催
況在他山外
天寒夕鳥來
雪深迷郢路
雨暗失陽臺
可嘆棲遑子
狂歌誰為媒

途中遇晴

已失巴陵雨還逢蜀坂泥天開斜景逼山出晚雲低

劉云

不似著
意語好

餘濕猶沾草殘流尚入溪今宵有明月鄉思遠

悽悽

赴京途中遇雪

追遞秦京道蒼茫歲暮天窮陰連晦朔積雪徧山川

劉云

決不為小兒
語求工者

落鴈迷寒渚饑鳥噪野田客愁空佇立不

見有人烟

夜渡湘水

客行貪利涉夜裏渡湘川
露氣聞芳杜歌聲識采蓮
榜人投岸火漁子宿潭烟
行侶時相問潯陽何處邊

宿武陽川

川暗夕陽盡孤舟泊岸初
嶺猿相叫嘯潭影似空虛
就枕滅明燭扣舷聞夜漁
雞鳴問何處人物似秦餘

劉云
唱出

隨意自
無俗意

永嘉浦逢張子容

逆旅相逢處江村日暮時
衆山遙對酒孤嶼共題詩

殷璠

云無論興象兼復故實

廨宇隣鮫室人烟接島夷鄉園萬餘里失

路一相悲

劉云衆山孤嶼且不犯時景句句淘洗欲盡

舟中曉望

挂席東南望青山水國遙舳艫爭利涉來往任風潮問
我今何適天台訪石橋坐看霞色晚疑是赤城標

唐詩品彙卷六十

欽定四庫全書

集部

唐詩品彙卷六十五

詳校官檢討臣德生

助教臣常循覆勘

總校官進士臣朱鈐

校對官編修臣勵守謙

謄錄監生臣慙意誠

欽定四庫全書

唐詩品彙卷六十一

明高棟編

五言律詩六

正宗

王維

奉和聖製賜史供奉曲江宴應制

侍從有鄒枚瓊筵向水開
言陪栢梁宴新下建章來對

酒山河滿移舟草樹迴天文同麗日駐景借行杯

從岐王過楊氏別業應教

楊子談經處淮王載酒過興闌啼鳥緩坐久落花多迴
轉迴銀燭林開散玉珂嚴城時未啓前路擁笙歌

同崔員外秋宵寓直

建禮高秋夜承明候曉過九門寒漏徹萬井曙鍾多月
迴藏珠斗雲消出絳河更慚衰朽質南陌共鳴珂

早朝

欽定四庫全書

唐詩品彙卷六十一

明高棟編

五言律詩六

正宗

下

王維

奉和聖製賜史供奉曲江宴應制

侍從有鄒枚瓊筵向水開
言陪栢梁宴新下建章來對

柳暗百花明春深五鳳城城烏睥睨曉宮井轆轤聲方
朔金門侍班姬玉輦迎仍聞遣方士東海訪蓬瀛

和尹諫議史館山池

雲館接天居霓裳侍玉除春池百子外芳樹萬年餘洞
有仙人籙山藏太史書君恩深漢帝且莫上空虛

訓比部楊員外暮宿琴臺朝躋書閣率爾見贈
之作

舊簡拂塵看鳴琴候月彈桃源迷漢姓松樹有秦官空

谷歸人少青山背日寒
羨君樓隱處遙望白雲端

酬張少府

晚年惟好靜萬事不關心
自顧無長策空知返舊林
松風吹解帶山月照彈琴
君問窮通理漁歌入浦深

輞川閒居贈裴秀才迪

寒山轉蒼翠秋水日潺湲
倚杖柴門外臨風聽暮蟬
渡頭餘落日墟里上孤烟
復值接輿醉狂歌五柳前

劉云類以

無情之景迷無情之意復非作者所有

山居秋暝

空山新雨後，天氣晚來秋。
明月松間照，清泉石上流。
竹喧歸浣女，蓮動下漁舟。
隨意春芳歇，王孫自可留。

劉云
總無

可點自
是好

歸嵩山作

清川帶長薄，車馬去閒閒。
流水如有意，暮禽相與還。
荒城臨古渡，落日滿秋山。

劉云已
近自然

迢遞嵩高下，歸來且閉關。

方虛谷云：閒適之趣，淡薄之味，不求工而自工者，此也。

山居即事

寂寞掩柴扉蒼茫對夕暉
鶴巢松樹遍人訪草門稀
嫩竹含新粉紅蓮落故衣
渡頭燈火起處處採菱歸

輞川閒居

一從歸白社不復到青門
時倚簷前樹遠看原上村
青

菰臨水映白鳥向山翻
寂寞於陵子桔槔方灌園

方虛谷云

予於摩詰山下孤烟遠村天邊獨樹高原未嘗不
心醉與其時倚簷前樹遠看原上村尤心醉也

終南山

太乙近天都連山到海隅白雲迴望合青靄入看無分
野中峯變陰晴衆壑殊欲投人處宿隔水問樵夫

劉云語不

深僻清
奪衆妙

晚春嚴少尹與諸公見過

松菊荒三徑圖書共五車烹葵邀上客看竹到貧家雀
乳先春草鶯啼過落花自憐黃髮暮一倍惜年華

過香積寺

不知香積寺數里入雲峯古木無人徑深山何處鍾泉

聲咽危石日色冷青松薄暮空潭曲安禪制毒龍

登辨覺寺

竹逕從初地蓮峯出化城牕中三楚盡林外九江平
軟草承趺坐長松響梵聲空居法雲外觀世得無生

送李判官赴江東

聞道皇華使方隨皂蓋臣封章通左語冠冕化文身
樹色分楊子潮聲滿富春遙知辨璧吏恩到泣珠人

送嚴秀才還蜀

寧親為令子似舅即賢甥別路經花縣還鄉入錦城山
臨青塞斷江向白雲平獻賦何時至明君憶長卿

送岐州源長史歸

源與余同在崔常侍幕時崔已沒

握手一相送心悲安可論秋風正蕭索客散孟嘗門故
驛通槐里長亭下糧原征西舊旌節從此向河源

送張道士歸山

先生何處去王屋訪茅君別婦留丹訣驅雞入白雲

劉云

兩語皆別

人間若剩住天上復離羣

劉云新意

當作遼城鶴仙歌

使爾聞

送平淡然判官

不識陽關路新從定遠侯黃雲斷春色畫角起

或作邊越

愁瀚海經年別交河出塞流須令外國使知飲月支頭

經年別一

作經年到

送趙都督赴代州

得青字

天官動將星漢地柳條青萬里鳴刁斗三軍出井陘忘
身辭鳳闕報國取龍庭宣學書生輩聽間著一經

送方城韋明府

遙思葭葭際寥落楚人行高鳥長淮水平蕪故郢城使
車聽雉乳縣鼓應鷄鳴若見州從事無嫌手板迎

劉云
平平

寫到
盡

送梓州李使君

萬壑樹參天千山響杜鵑山中一夜雨樹杪百重泉
漢女輸撞布巴人訟芋田文翁翻教授不敢倚先賢

送劉司直赴安西

絕域陽關道胡沙與塞塵三春時有鴈萬里少行人首
蒼隨天馬葡萄逐漢臣當今外國懼不敢覓和親

劉云無意

之意

送張五諲歸宣城

五湖千萬里沉復五湖西漁浦南陵郭人家春穀溪欲
歸江淼淼未到草萋萋

劉云最是自得

憶想蘭陵鎮可宜獲更

啼

送友人南歸

萬里春應盡三江鴈亦稀連天漢水廣孤客郢城歸

劉云

盡謝點染
情思蕭然

鄖國稻苗秀楚人菰米肥懸知倚門望遙識

老萊衣

送賀遂員外外甥

南國有歸舟荆門汭上流蒼茫葭蕀外雲水與昭丘
帶城鳥去江連暮雨愁猿聲不可聽莫待楚山秋

送楊長史赴果州

褒斜不容隱之子去何之鳥道一千里猿聲十二時官

橋祭酒客山木女郎祠別後同明月君應聽子規

送邢桂州

鏡吹喧京口風波下洞庭赭圻將赤岸擊汰復揚舲日
落江湖白潮來天地青明珠歸合浦應逐使臣星

送崔三往密州覲省

南陌去悠悠東郊不少留同懷扇枕戀獨念倚門愁路
遶天山雪家臨海樹秋魯連功未報且莫蹈滄洲

送丘為落第歸江東

憐君不得意況復柳條春為客黃金盡還家白髮新五
湖三畝宅萬里一歸人知爾不能薦羞稱獻納臣

送崔九興宗遊蜀

送君從此去轉覺故人稀徒御猶迴首田園方掩扉出
門當旅食中路授寒衣江漢風流地遊人何處歸

漢江臨汎

楚塞三湘接荆門九派通江流天地外山色有無中郡
邑浮前浦波瀾動遠空襄陽好風日留醉與山翁

登河北城樓作

井邑傳巖上客亭雲霧間高城眺落日極浦映蒼山岸
火孤舟宿漁家夕鳥還寂寥天地暮心與廣川閒

被出濟州

微官易得罪謫去濟川陰執政方持法明君無此心間
閭河潤上井邑海雲深縱有歸來日多愁年鬢侵

使至塞上

單車欲問邊屬國過居延征蓬出漢塞歸鴈入胡天大

漠孤烟直長河落日圓蕭關逢侯吏都護在燕然

晚春門思

新粧可憐色落日卷羅幃鑪氣清珍簾牆陰上玉墀春

蟲飛網戶暮雀隱花枝向晚多愁思閒牕桃李時

劉云
不俯

仰刻畫甚
有意味

秋夜獨坐

獨坐悲雙鬢空堂欲二更雨中山果落燈下草蟲鳴白
髮終難變黃金不可成欲知除老病惟有學無生

觀獵

風勁角弓鳴

劉云
氣聚

將軍獵渭城
草枯鷹眼疾
雪盡馬蹄

輕忽過新豐
市還歸細柳營
回看射鵰處
千里暮雲平

劉云極

是盡意

岑參

湟水東店送唐子歸嵩陽

野店臨官路
重城壓御堤
山開灞水北
雨過杜陵西
歸夢愁能作
鄉書醉懶題
橋回忽不見
征馬尚聞嘶

送張郎中赴隴右覲省卿公

中郎鳳一毛世上獨賢豪弱冠已銀印出身惟寶刀還
家卿月迥度隴將星高幕下多相識邊書醉懶操

送鄭少府赴滏陽

子真河朔尉邑里帶清漳春草迎袍色晴花拂綬香青
山入官舍黃鳥度宮牆若到銅臺上應憐魏寢荒

送張子尉南海

不擇南州尉高堂有老親樓臺重蜃氣邑里雜蛟人海

暗三山雨花明五嶺春此鄉多寶玉慎勿厭清貧

送任郎中出守明州

罷起郎官草初分刺史符城邊樓枕海郭裏樹侵湖郡
政傍連楚朝恩獨借吳觀濤秋正好莫不上姑蘇

趙少尹南亭送鄭侍御歸東臺

紅亭酒甕香白面綉衣郎砌冷蟲喧座簾疎月到牀鐘
催離思急絃逐醉歌長關樹應先落隨君滿路霜

送四鎮薛侍御東歸

相送淚沾衣天涯獨未歸將軍初得罪門客復何依夢
去湖山濶書停隴鴈稀園林幸接近一為到柴扉

送張子東歸

白羽綠弓絃年年只在邊還家劒鋒盡出塞馬蹄穿逐
虜西踰海平胡北到天封侯應不遠燕領豈徒然

送張卿郎君赴硤石尉

卿家送愛子愁見灞陵春草美青袍色花隨黃綬新縣
西函谷路城北大陽津日暮征鞍去東郊一片塵

奉送李太白保兼御史大夫克渭北節度使即太尉光弼弟

詔出未央宮登壇近總戎上公周太保副相漢司空方抱關西月旗翻渭北風弟兄皆許國天地荷成功

號州送天平何丞入京市馬

關樹晚蒼蒼長安近夕陽回風醒別酒細雨濕行裝習戰邊塵黑防秋塞草黃知君市駿馬不是學燕王

送揚州王司馬

君家舊淮水水上到揚州海樹青官舍江雲黑郡樓東
南隨去鳥人吏待行舟為報吾兄道如今已白頭

送王七錄事赴虢州

早歲即相知嗟君最後時青雲仍未達白髮已成絲小
店關門樹長河華岳祠弘農民吏待莫使馬行遲

送懷州吳別駕

灞上柳枝黃壚頭酒正香春流飲去馬暮雨濕行裝驛
路通函谷州城接太行覃懷人總喜別駕得王祥

武威暮春聞宇文判官西使還已到晉昌

片雨過城頭黃鸝上戍樓塞花飄客淚邊柳掛鄉愁白
髮悲明鏡青春換弊裘君從萬里使聞已到瓜州

寄左省杜拾遺

聯步趨丹陛分曹限紫微曉隨天仗入暮惹御香歸白
髮悲花落青雲羨鳥飛聖朝無闕事自覺諫書稀

酬崔十三侍御登玉壘山思故園見寄

玉壘天晴望諸峯盡覺低故園江樹北斜日嶺雲西曠

野看人小長空共鳥齊山高徒仰止不得日攀躋

登總持寺

高閣逼諸天登臨近日邊晴開萬井樹愁看五陵烟檻
外低秦嶺牕中小渭川早知清淨理常願奉金仙

題金城臨河驛樓

古戍依重險高樓見五涼山根盤驛道河水浸城牆庭
樹巢鸚鵡園花隱麝香忽如江浦上憶作捕魚郎

題永樂韋少府廳壁

大河南郭外終日氣昏昏白鳥下公府青山當縣門故
人是邑尉過客駐征軒不憚烟波濶思君一笑言

宿岐州北郭嚴給事別業

郭外山色暝主人林館秋疎鍾入卧内片月到牀頭遙
夜惜已半清言殊未休君雖在青瑣心不忘滄洲

奉陪封大夫九日登高

得雲字

九日黃花酒登高會昔聞霜威逐亞相殺氣傍中軍橫
笛驚征鴈嬌歌落塞雲邊頭幸無事醉舞荷吾軍

陪封大夫宴瀚海亭納涼

得時字

細管雜清絲，千杯倒接離。
軍中乘興出，海上納涼時。
日沒鳥飛急，山高雲過遲。
吾從大夫後，歸路擁旌旗。

梁州陪趙行軍龍岡寺北庭泛舟宴王侍御

誰宴霜臺使，行軍粉署郎。
唱歌江鳥沒，吹笛岸花香。
酒影搖新月，灘聲聒夕陽。
江鐘聞已暮，歸棹綠川長。

晚發五渡

客厭巴南地，鄉隣劔北天。
江村片雨外，野寺夕陽邊。
芋

金史卷之六十一
葉藏山徑蘆花間渚田舟行未可住乘月且須牽

巴南舟中夜書事

渡口欲黃昏歸人爭渡喧近鐘清野寺遠火點江村見
鴈思鄉信聞猿積淚痕孤舟萬里夜秋月不堪論

巴南舟中思陸渾別業

瀘水南州遠巴山北客稀嶺雲撩亂起溪鷺等閒飛鏡
裏愁衰鬢舟中換旅衣夢魂知憶處無夜不先歸

初至犍為作

山色軒楹內灘聲枕席間草生公府靜花落訟庭閒雲
雨連三峽風塵接百蠻到來能幾日不覺鬢毛斑

故僕射裴公挽歌

歸絳
郡葬

五府瞻高位三台喪大賢禮容還故絳寵贈冠新田氣
歇汾陰鼎魂歸京兆天先時劍已歿壠樹久蒼然

故河南尹岐國公贈工部尚書蘇公挽歌

白日扁泉戶青春掩夜臺舊堂堦草長空院砌花開山
晚銘旌去却寒騎吹迴三川難可見應惜庾公才

高適

送劉評事充朔方判官賦得征馬嘶

征馬向邊州蕭蕭嘶未休
思深應帶別聲斷為兼秋
岐路風將遠關山月共愁
贈君從此去何日大刀頭

送魏八

更沽淇上酒還泛驛前舟
為惜故人去復憐嘶馬愁
雲山行處合風雨興中秋
此路無知己明珠莫暗投

河西送李十七

邊城多遠別此去莫徒然問禮知才子登科及少年出
門省落日驅馬向秋天高價人爭重行當早著鞭

送白少府送兵之隴右

殘更登隴首遠別指臨洮為問關中事何如州縣勞軍
容隨赤羽樹色引青袍誰斷單于臂今年太白高

淇上送韋司倉往滑臺

飲酒莫辭醉醉多適不愁孰知非遠別終念對窮秋滑
臺門外見淇水眼前流君去應回首風波滿渡頭

送鄭侍御謫閩中

謫去君無恨閩中我舊過大都秋鴈少只是夜猿多東
路雲山合南天瘴癘和自當逢雨露行矣慎風波

送李侍御赴安西

行子對飛蓬金鞭指鐵驄功名萬里外心事一杯中虜
障燕支北秦城太白東離魂莫惆悵看取寶刀雄

送蔡十二之海上

黯然而所為相對但悲酸季弟念離別賢兄救急難河

流水處盡海路雪中寒尚有南飛鴈知君不忍看

別韋兵曹

離別長千里相逢數十年此心應不變他事已徒然惆
悵春光裏蹉跎柳色前途時當自取有爾欲先鞭

同衛八題陸少府書齋

知君薄州縣好靜無冬春散帙至棲鳥明燈留故人深
房臘酒熟高院梅花新若是周旋地當令風義親

同羣公登濮陽聖佛寺閣

落日登臨處悠然意不窮
佛因初地識人覺四天空
來鴈清霜後孤帆遠樹中
徘徊傷寓目蕭索對寒風

使青夷軍入居庸二首

匹馬行將久征途去轉難
不知邊地別祇訝客衣單
溪冷泉聲苦山空木葉乾
莫言關塞極雲雪尚漫漫
古鎮青山口寒風落日時
巖巒鳥不過冰雪馬堪遲
出塞應無策還家賴有期
東山足松桂歸去結茅茨

自薊北歸

驅馬薊門北北風邊馬哀蒼茫遠山口豁達胡天開五
將已深入前軍止半迴誰憐不得意長劒獨歸來

途中寄徐錄事

比以王書見贈

落日風雨至秋天鴻雁初離憂不堪比旅館復何如君
又幾時去我知音信疎空多篋中贈長見右軍書

醉後贈張九旭

世上謾相識此翁殊不然興來書自聖醉後語尤顛白
髮老閒事青雲在目前牀頭一壺酒能更幾回眠

別韋五

徒然酌杯酒不覺散人愁
相識仍遠別欲歸翻旅遊
夏雲滿郊甸明月照河洲
莫恨征途遠東省漳水流

別馮判官

碣石遼西地漁陽薊北天
關山唯一道雨雪盡三邊
才子方為客將軍止渴賢
遙知幕府下書記日翩翩

別王八

征馬嘶長路離人挹佩刀
客來東道遠歸去北風高
時

候何蕭索鄉心正鬱陶傳君遇知己行日有綈袍

送董判官

逢君說行邁倚劔別交親幕府為才子將軍作主人近
關多雨雪出塞有風塵長策須當用男兒莫顧身

送蹇秀才赴臨洮

悵望日千里如何今二毛猶思陽谷去莫厭隴山高倚
馬見雄筆隨身唯寶刀料君終自至勲業在臨洮

送張瑤貶五溪尉

他日維貞幹明時懸鏐鉚江山遙去國妻子獨還家離
別無嫌遠沉浮勿強嗟南登有詞賦知爾弔長沙

獨孤判官部送兵

錢君嗟遠別為客念周旋征路今如此前軍猶耿然出
關逢漢壁登隴望胡天亦是封侯地期君早着鞭

唐詩品彙卷六十一